

HBF 3690

$A-B^8; A-C^4, D^2 = [16]31, [14]31, +S$
3.8.85

Schutzkopie vorhanden

MC HBF 3690


Band von der Benutzung ausgeschlossen


JZ

17.10.89

1) VD 16 ZV 20337

2) VD 16 C 158





Prognosticon Astrologicum, Oder
Practica Teutsch Von den
vier zeiten vñ andern zufellen des / nach Jesu
Christi unsers HERRN vnd Seligmachers geburt/
M. D. LXXVI. Jars / Nach erschaffung der Welt/ 5538.
Auß warem gründe der Astronomie mit fleiß vnd auß das kürzste
beschrieben/ vnd gestellt zu Eneydigem gefallen vnd
Glückseliger Regierung.

Dem Durchleuchtigen/ Hochgeborenen Für-
sten vñ Herrn/ Herren Georgen Friderichen/ Marggraffen zu Bran-
denburg/ zu Stechin/ Pomeran/ der Lassabien vnd Wenden/ Auch in Schles-
ien zu Jegerndoß/ vnd etc. Herzogen/ Burggrafen zu Nüren-
berg/ vnd Fürsten zu Rügen: Meinem Ene-
digen Fürsten vnd Herrn.

Durch M. Georgium Cæsum Rotenburgensem.



Mars Regent bis Jars.

342 *maculosa* *var.* *coeruleo-purpurea*

אָמַרְתִּי אֶל־בְּנֵי־יִשְׂרָאֵל

et si p[ro]p[ri]etate h[ab]entur in d[omi]n[u]m f[ac]tum s[er]u[m] et
in d[omi]n[u]m c[on]fide[n]t[ur] et in d[omi]n[u]m c[on]fide[n]t[ur] et in d[omi]n[u]m c[on]fide[n]t[ur]

Zem Durchleuchtigen/
Hochgeborenen Fürsten vnd Herrn / Herrn
Georgen Friderichen / Marggraffen zu Brandenburg/
zu Stetin / Pomern / der Lassuben vnd Wenden / auch
in Schlesien zu Tegerndorff / vnd ic. Herzogen /
Burggraffen zu Nürnberg / vnd Fürsten
zu Rügen: Meinem gnedigen
Fürsten vnd Herren.

Durchleuchtiger / Hochgeborener
Fürst / Gnediger Herr / E. F. G. sind meis-
ne vnterthenige gehorsame dienst / mit meis-
nem andechtige glaubigem Gebet zu Got
dem Allmechtigen seder zeit / vermöglichstes fleiß zuvoran
bereit. Wiewol / Gnediger Fürst vnd Herr / zu dieser
letzten zeit / fast alle Künsten in grosser verachtung sein/
vnd deren wenig / die solche (wie billich were) promouirn/
fürdern vnd erhalten: So ist doch fürnemlich die überaus
liebliche / herliche vnd nützliche Kunst / von Bewegungen
vnd Wirkungen der Planeten vnd Sternen / welche die
Alten mit einem namen Astronomiam genennt haben/
für andern he vnd allweg in größtem verdacht / lesterung
vnd verachtung gewesen / Und unter andern einreden oder
Argumenten / muß die Astrologia, (wie sich und die Gelehr-
ten reden) hören / das sic Abgottisch / Aberglaublich / vnd

A ij inn

in heiliger Schrift verbotten sey/ dazu denn dienen sollen
diese Spruch der Schrift/ Lexit: 19. Ihr solt euch
nicht wenden zu den Warsagern/ vnd forschet
nicht von den Zeichendeutern. Item Deuter:18.
Es sol nit vnter dir funden werden ein Weiß-
sager oder Tagweler / oder Zeichendeuter.
Vnd im 47. Cap: des Propheten Esaiæ stehn diese wort:
Lass her trethen vnd dir helffen die Meister des
Himels lauff/ vnd die Sterngucker/ die nach
dem Mond rechnen/ was über dich kommen
werde/ Sihe/ sie sind wie stoppeln/ die das fewr
verbrennet/ sie können ihr leben nicht erretten
für der flammen/ n.

Mit diesen vnd dergleichen Sprüchen aber/ aus heiliger Schrift genommen/ wird keines wegs die Astrologia
an ir selbs/ als die (wie Lutherus schreibe) ein betrachtung
ist der Götlichen ordnung in der Natur/ so fern sie auf
natürlichen vrsachen vnd gewisen Regeln/ auß langer er-
farung/ genommen ic, berücht/ gestrafft vnd verdampft.
Sonder allein der Aberglaub vnd missbrauch der Kunst/
von Chaldeern vnd andern Heydnischen Völkern einge-
füt / welche vermeßner weiß alle zufell vnd verenderung
allein auß das Gestirn gezogen / Auch zeit vnd siund/
ja augen

ja augenblick / durchaus unwandelbarer weiß zu wissen/
fürgaben.

Item/die Gottlose aberglaubische sorgfältigkeit / da
schr viel die bedeutungen oder weissagungen auf dem Ge-
stern genommen/fürzugen vnd höher hielten/denn die ver-
heissungen/vermanungen vnd warnungen Gottes / inn
seinem heiligen Wort begriffen / ja auch nichts ansingen
vnd fürnamen / sie hetten denn zuvor bey den Sternen
rath gesucht.

Im 47. Capitel Esaix. ist ein weissagung/das Ba-
bel sol zerstört werden/vmb der ursach willen/das sie(wie
der Text meldet)auff gewalt/weissheit vnd reichthum ge-
trozet/in wollüstn sicher lebte / vnd neben dem mit Zau-
beren vnd anderm Abgöttischen wesen vmbgienge. Und
spottet vnser Herr Gott der Shaldaischen Astrologen/
die andern auf dem Gestern wolten zukünftiges vnglück
verkündigen/vnd kundten doch nicht an Sternen erschen/
was sie selbs für ein straff bald treffen würde/Welchs/so
es ihnen gleich der Prophet Esaias vnd andere auf Got-
tes offenbarung verkündigten / schlügen sie es doch inn
windt/verachtens vnd verlachtens / weil sie es inn ihren
Sternen nicht sahen noch funden.

So ist nun die Prophecyung Esaix also zuuerschein/
nemlich/das Gott seinen zorn über die Babylonier vmb
irer vielfeltigen Sünd vnd Abgotterey willen/außschüt-
ten vnd ergehn lassen wölle / ob ihnen gleich des Himmels
lauff/ glück vnd wolfart verheisse vnd anzeige/ Er wölle

A iij sich

sich einen Gott vnd HErrn des Gestirns erzeilgen/ vnd
ein solch unglück über sie ergehen lassen/ das keiner ihrer
Sternkündiger am Himmel erschen. Und redet also Gott
von seinen wunderthaten/ vnd nicht von gemeiner weis
vnd ordnung/da er durch natürliche mittel oder ursachen/
seinen willen auff Erden volbringt.

Ja es sagt der Prophet/ Das alle ire Kauffleute vnd
Händler (ob sie noch so viel Geldt hetten) alle ire weisheit
vnd kunst/ sie nicht von irem unglück erlösen sollen. Solte
man darumb schliessen/ das Kauffmanschafft vñ Hand-
tierung/ weisheit vnd kunst / an ir selbst Abgöttisch vnd
verbotten were? Freilich nicht. In Summa/ die Ba-
bylonier hielten mehr auff ihre kunst vnd weisheit/dann
auff Gott vnd sein Wort / welches (dieweil es von Christo
lichen Astrologis dieser zeit nicht geschicht) als die Got-
tes wort für ihren höchsten schatz halten/ vnd Gott als
einen Allmechtigen HERRN vnd Herrscher über alles/
vnd auch über das Gestirn erkennen/rühmen vnd preisen/
vnd ihn nicht an die natur binden/ ic. Ist dieser Spruch
gar nicht wider vns / Aber weitleufigere erklärung vnd
widerlegung findet man anderstwo.

Dieweil dann nun die Astrologia an ir selbst in heil-
iger Schrift nicht verbotten/ sondern ein betrachtung
ist der Götlichen ordnung inn der Natur/ vnd ire gewisse
Regeln/ auf langer erfahrung gelerter Leut/ auch ihren
sonderlichen vielseitigen nutz hat ic. Sol man billich diese
Kunst

Kunst vnd derselben Studiosos, lieb haben vnd fürdern.

Dann ob wir wol im gewitter vnd anderen lang zuvor
anzuzeigen/ biszweilen/ ja oft/ fehlen. (wie ich dann hie-
rin auch mein schwacheit/ vnuerstandt/ vnd vnuermög-
lichkeit/ selbst am besten verstehe vnd gern bekenne) Und
nicht farsichtig gnug alle vmbstende erwegen vnd beden-
cken/ Ja in der grossen schwachheit menschlichs verstands
nicht ihun können/ Sollen wir doch darumb die sach
oder Kunst nicht gar fallen lassen vnd verwerffen/ (Est
aliquid prodire parum si non datur ultra.) Wie wir auch
nicht die Schiffkunst (wie Ptolemæus sagt) verwerffen/
ob schon oft ein Schiffbruch geschicht/ vnd wol in gerin-
gern sachen/ die vns für augen stehn/ vnd damit wir täg-
lich vmbgehn/ weit irren vnd seilen. Sonder gebürt vns
in dieser Herlichen vnd schweren Kunst/ mit dancbarem
gemäß das anzunemen vnd zu lieben/ so viel man erlan-
gen vnd erreichen kan.

Was nun/ Hochgeborener Fürst/ Gnädiger Herr/
meln bedenken vom zukünftigen 76. Jar sey/ Habe ich
solchs abermal unter E. F. G. Hochgedachtem Namen/
im aller unterthenigkeit publicirn vnd drucken lassen/
Unterthenigst bittend/ E. F. Gnaden wollen Ihr solchen
meinen geringen fleiß/ vnd doch gewißlich mäheselige ar-
beit/ gnedigst gefallen lassen/ vnd mein Gnädiger Herr
sein vnd bleiben.

Bitte

Bitte hiemit den Allmechtigen Gott, im Namen vnd
verdienst seines Sons Ihesu Christi/ Er wölle E. F. G.
sampt derselben Fürstlichen Christlichen Gemahel vnd
Frauen Mutter ic. meinen auch Enedigen Fürstamen
vnd Frauen/ vnd den Hochloblichen getrewen Rathen/
Ampfleuten/ vnd Dienern/ im ganzen Fürstenthumb/
wie auch einen Erbarn/ Weisen Rath dieser Stadt/ etc.
zu seinen Göttlichen ehren/ zu erbauung der Christlichen
Kirchen/ vnd des ganzen Landes wolfart/ in frischer ge-
sundheit/ glückseliger Regierung/ vnd langem leben er-
halten/ Amen/ Amen/ Amen. Datum Ondsbach/
den 7. Junij/ dieses. i. s 7 s. Jars.

E. F. G.
Untertheiliger vnd gehorsamer

M. Georgius Exsus/ Diener
der Christlichen Kirchen
der V. P. der missinhus und daselbst
V. missi unmissigk. O. P. S. mire lewens schrif
V. missal inburs. Und vnbildig. vnglückt. Und vla vnu
missi v. missal inburs. O. P. S. V. missi feierlich
V. missal inburs. Und vnu missal inburs. Und
missi v. missal inburs. Und vnu missal inburs.

218

Das I. Capitel.

Von den vier unterschiedlichen zeiten dieses
M. D. LXXVI. Jar. Und erstlich vom Winter.

Geh wil diß 76. Jar abermals vom Winter
anfahen/dieweil das Neue Jar in diese zeit ge-
fert/vnd die liebe Sonne als dann wider zu uns
berauff steiget/vnd den tag erlengert. Nun be-
schreiben die Astronomi diese zeit/mit dem lauff der Son-
nen/durch diese drey himlische zeichen p. m. x.

Der anfang geschicht den 12. Decembris/dieses zu ent-
lauffendes 75. Jars/6. stundt vnd 12. minuten nach mit-
tag/da im Außgang steht/der 27. grad des Krebsen/Mit-
ten im Himmel aber/der 3. Wider/Ist der Saturnus mit der
Sonne/ & vnd 3. im 6. Hauss. Jupiter retrogradus in 2. Mars
im fünften Hauss ic. Muß die Herrschaft oder regierung
Martii vnd dem Mond zuschreiben/ als die am stercksten/
Mars nemlich inn seinem eignen Hauss im Scropio/vnd
Herr des zeichens/darin der Mond ist/welcher mitten im
Himmel/beyde in einem gewierten schein des außsteigenden
zeichens etc. Schliesse auß allen vmbstenden (sonderlich
dieweil zunor ein zusammenfügung Saturni vnd der Sonnen
gewesen) das ob wol anfänglich der Winter sich nüblisch/
vnd der Kelt halben etwas vnbeständig anlassen möcht/
doch bald darauff noch in diesem Monat/vnd folgendlt je
mehr vnd mehr heftiger mit der Kelt anhalten/vnd sonder-
lich/ein langsame schedliche Kelt allererst im Mertzen vnd
Aprilen sich finden/vnd also eben/meines erachtens/für-
nemlich ein harter kalter Winter erfolgen werde.

Was aber darzwischen für verenderung des luffts mit
unterlauffen möcht/habe man auf folgende verzeichnus
gute achtung.

B Erslich

Erschlich den 13. 14. Decembriß / da ein Sextil scheint
*& δ & einfelt/windig vnd vnstet/mit nebel vnd schnee. Wie
dann bald darauff die Coniunction \odot &. den 15. 17. scharpf/
sen kalten luft vnd nebel/ auch schne/vnd in warmen Lenz/
dern gegen Mittag/lind feucht wetter gibt. Starcke wind/
wolcken/schne vnd enderung/hat man den 22. 23. 26. zuges/
warten/da ein Quadratus Iouis Martis, qyß dem 11. grad des
Löwens vnd Scorpis sich begibt/ gegen Mittag fein tem/
perirt mit donner/bey vns aber sollte wol die kelt bleiben/
den 20. nüblich/schnee.

Das newt Liecht den 1. Januarij/ ist bestendig kalt mit
schne/Allein auf den 5. oder 6. hat man enderung zugewartet/
vmb der Coniunction h &. willen/an etlichen orten sel/
tzam wetter. Den 9. 10. windig/vnstet/bald kalt vnd schnee/
Also den 13. nebel/schne mit kaltem luftt. Der Segen/
schein Iouis vnd der Sonnen den 17. 18. vmb Antoni/solte
die kelt lindern/ vnd nüblich mit schne vnd wind sich erze/
gen/Aber dieweil Jupiter zu ruck lauft/ vnd andere vrsä/
chen mit zu bedencken/ halte ich/die kelt werde bleiben/wie
auß den 19. zu sehen sein wird. Ferner durchaus kalt vnd
trucken. Pauli beckerung wird sich wol halten/still/ ja hell
vnd temperirt sein/Aber bald den 26. 27. kalter wind zu
schnee geneigt.

Der anfang des Vorwungs/ 2. 3. 10. wird sich gewisslich
vmb des gegenscheins Iouis Mercurij/vnd Δ & δ willen/
vnstet/ sehr windig/ ja vngestüm mit regen/ Kiffeln vnd
schne anlassen/in warmen lenden/Dosier vnd plitz. Bald
aber wiederum kalt/doch auch auß den 5. windig/vnstet.
Nüblich vnd kalt den 9. 10. da der Sextil schein Saturni
Solis erscheinet/ vnd vmb des * h & willen. Vmb den
Volmon den 14. 15. 16. sehr kalter/starcker luftt/ vnd nübl/
lich mit regen vnd schne vermischt. Weiter des meysten
theils kalt vnd trucken mit windt/den 18. 21. 22. Auß den
23. nebel/kalt. Das endt diß Monats Februarij wird lind/
windig

windig vnd vnstet sein / vmb des gegenscheins Iouis / Veneris willen / so den 28. einfelt.

Der Mertz hat zwar auch seine enderung / vnd etliche vnbestendige tag / aber inn gemein zu reden / noch sehr kalt / schneig vnd trucken / wie man zu aufgang dß Monats schedlicher kelt vnd vngestünner windt / oder sonst vngewissers halben klagen wirdt ic. Anfanglich den 1. 2. 3. Martii / da sich ein Quadratus Martis Solis begibt / stark er wind vnd Aprillen wetter. Anderstwo auch Dosier vnd plitz / den 4. 5. feucht / vnstet / Aprillen wetter. Auf den 8. 9. nebel / kalt / reiß / aprillen wetter / sehr windig / vnd vnstet / doch kalt / den 10. 11. vor Gregori / Danon weiter in folgendem früling.

Job 37.

Von Mittag her kommt wetter / vnd von mitternacht kelt.

Damascenus libro 2. de Orthod: fide cap: 7. Dicimus signa ex astris fieri, imbris & serenitatis, frigiditatis & caliditatis, humiditatis & siccitatis, ventorum & similium,

II.

Vom Früling oder Glentzen.

Off den 10. tag des Mertzen / 10. stundt / vnd ein vrltel nach Mittag / so erraicht die liebe Sonne den ersten puncten des hitzigen vn drucknen zeichen des Widers / zu welcher zeit sich der Winter sol enden / vnd der liebliche freudenreiche Glentz erfolgen: Steht im Aufgang der 15. grad Scorpij / Mitten im Himmel der 2. Virginis. Ist die Sonn mit ξ im 5. haus / Mars vnd η im andern ic. Muß die Herrschafft abermals Marti und auch Saturno zuschreiben / als welche die fürnembsten dignitates haben / vnd beyde im gehirten schein gegen der Sonen gefunden werden. Schliesse derhalben / das ein trockner Früling sein werde / Anfanglich noch der zeyt vnd Saturni eigenschaft nach /

B ij mit

mit schedlicher Peit / Küsseln vnd Aprillen weiter / doch der tag leng halben / nach Mittag temperirt.

In sonderheit aber von etlichen tagen zu reden / so felt eben auff Gregorij der geuerte schein ☽. vnd den nechsten tag hernach der Triangel schein Iouis vnd der Sonnen/ Disse zwen Aspect haben gleich widerwertige bedeutung/ Aber der ☽ geht vor / bedeut ein kalt müßlich weiter / mit starken reissen / auch hagel oder küsseln / nach gelegenheit des orts / bald hell. In etlichen orten / Sonderlich gegen mittag / mit starkem windt / auch Donner vnd plitz / kürzlich / ein kalt wetter mit Sonnenplick. Also eben auff den Volmon den 14. vnd 15. 17. stark er windt vñ kaltes Aprilwetter.

Hierauß volget nun den 20. Martij eben in hohem mits tag die zusammenfügung Saturni Martis im 2. grad des Steinbocks / in welchem zeichen disse beyde Planeten ihre höchste dignitates haben. Saturnus zwar seine freyd vnd hanß Mars aber seine erhöhung. Dis ist in allweg ein gantz bedenkliche Coniunction, bedeut ein kalt vngeschlach wetter / ja auch viel hagel vnd vngesüßen wind / ja Erdbeben etliche tag vor vnd nach. Darauff man auch bald newe zeitung / Kriegsrüstung / vneinigkeit / auffthur / einfal / rnd grausame Tiranny des Türckens / auch andere geferliche Zustend vnd enderung hören vnd erfahren solte.

Dann eben die liebe Sonne in Reuolutione von beyden Maleficiis verletzt / ist grossen Potentaten gefehrlich / bedeut schwere Rathschleg vnd grosse anfechtung. Coniunctio ☽ (sagt Messahala) in terreis signis, significat gelu & niuem, ac frigoris multitudinem. Idem: Malis Planetarum in medio Cœli, significant contrarietatem diuitum & regum, & discordiarum multitudinem, debilitatem regis, & ablationem fidei ac religionis, multiplicabuntur latrocinia & contentiones. Und abermals / wann Mars oder ☽ Herrn der Reuolution, nicht angesehen werden von andern gütingen Planeten / so bedeut es / vilzantz ckens/

ckens/ verwüstung vnd zerstörung der Welt/vnd was man
dergleichen mehr für Regeln aus der Arabischen Astrologen
Schriften von krieg/absterben des viels/böser Saat/vnd
schaden an früchten/ auf dieser Coniunction h 2 ic. anziehen
möcht/ danon ein jeder mag halten/ so viel er wil.

Ich kenne wider anaff das wetter/den 21. 22.23 Martij/
da der Trinus Saturni ♃. vñ □ 4 ♀ einfeit kalter starcker wind
mit reissen vnd kisseln/ bald hell/ Aprilin wetter. Nicht vil
änderst hält sich der □ 8 ♀. vnd * h ♀ den 26.27. bedeut auch
noch kalten windt mit reissen/ vnd zu schne geneigt. Doch
vmb der tag leng willen mit Sonnen blick. Also durchaus
mit trucknem Mertzen lufft vnd reissen/ vmb vnd nach mit
tag temperirt.

Der April erzeigt sich (in gemein zu reden) fein gnug/
doch auch vbrig trucken/ bisweilen mit schne/ kisseln vnd
nechlicher kelt oder reissen. Der 1. 5. vnd 7. Aprilis/ sind
sehr windig/ zu ungewitter vnd Aprilen wetter geneigt/
der 8. 9. starcke reissen. Der □ h o vmb den 12. bringt nebel
vnd kelt mit sich/ ja ungewitter/ kisseln vnd regen/ wie man
auff den 13.14.15 ic. da der □ 4 ♀. vnd □ h ♀ einfallen/ erfarn
wird/ der fruen blüt vñ jartem Weinstock nicht förderlich/
wo nicht die tag leng solche bedeutang hindert.

Den Osterabend felt ein Quadratus h ♀ ein bedeut auch
noch trucken/ rauhen lufft/ Das wir also bis auff Georgij/
viel böser scheint zugewarten haben/ die eint weder die lieben
frucht dahinden behalten/ oder ja durch schedliche reissen
vnd kisseln/ oder anders ungewitter/ schaden zufügen
werden.

Wir sollen aber die Zeichen des Himmels nicht fürchten/
wie die Heyden/ sondern den allmechtigen Gott anrufen/
das er sich vnser auf gnaden ei barmen/ vnd gut fruchtbar
wetter verleihen wölle. Nach Georgij erfolget (meinem
verstand nach/ so fern Gott die natur nit endert) fein warm
wetter/ mit temperirter feuchte/ wie auff Marcum den 25.

B iii Aprilis

Aprilis zu seben / den 26. 27. windig / vnstet / an etlichen
orten küsseln / Donner.

Im Mayen fallen sehr viel Aspect ein / Erstlich mercke
auff den 2. 3. da ein Trinus Martis Solis erscheinet / ist vnstet /
zu Donner vnd regen ja küsseln geneigt / doch auch warm /
Den 4. windig / den 5. 6. 7. rauher lufft vnd schedliche
reissen. Den 9. II. da der ☽ & vnd ☽ 4. & erfolget / sehr win-
dig vnd vnstet / wolcken mit Donner vnd platzregen / fast
dergleichen wetter vmb den 16. 17. rauher lufft ja reissen /
oder Wolcken zu küsseln geneigt. Ferner gut warm wetter /
vnd anff Urbani / wie auch den nechsten tag zuvor / Donner
vnd platzregen hin vnd wider.

Den 1. Junij / windig / aber fein warm / zu Donner vnd
platzregen geneigt. Den 2. 3. zu fru nüblich / kühler lufft / bald
schön / warm. Merck auff den 5. 6. ob nicht die Retrograda-
tion Martis, endernng vnd ein wetter möcht geben. Den 8.
windig / feucht / auch Donner. Darauff erfolget der ge-
genschein ☽ mit ☽ eben auff den Volmon / welche Opposi-
tion mir ganz bedenklich ist / bedent auffs wenigst / sched-
liche Nebel vnd Mültau / vnd auch rauhen lufft / In etli-
chen orten geschrülig mit platzregen / ja hagel / das also dis-
ser Aspect der Weinblüt vnd andern früchten / nicht für-
derlich sein möcht. Der Herr unser Gott wölle es alles gne-
diglich zum besten wenden. Vnd so viel vom Früling.

Job. 37.

Gott lehret die Wolcken / wohin er wil / das sie schaf-
fen alles was er ihnen gebeut auff dem Erdboden / es sey
über ein Geschlecht oder über ein Landt.

Amos. 4.

Ich ließ regnen über eine Stat / vnd auff die andern
Stat ließ ich nicht regnen.

Von

III.
Von dem Sommer.

Es Sonnlers anfang geschicht/ Astronomischer weiss/
In disem 76. Jar/ den 11. Junij/ 7. stundt 19. minuten
nach mittag/das ist / drey viertel einer stundt vor der
Sonnen untergang/ da sie die liebe Sonne den ersten punkt-
ten des Himilichen zeichen Krebs erreicht. Sihet im Aufl-
gang der 21. grad des Schützen / mitten im Himmel der 22.
wag. Ist Saturnus zwar in angulo Orientis im ersten Mars
im andern Hauss/ aber beyde hindersich lauffende vnd bley-
ben auch also bis über das mittel des Augustmonds / wil-
derhalben vnd muss das Regiment oder Herrschaft dem
Jupiter geben / welcher an Dignitatibus am stercksten im
Höwen/ in Trino scilicet Ascendentis, vnd Herr dieses Aufl-
steigenden Zeichens/ Ja zur zeit des Volmans/ so disen tag
einfelt/ fast im auflgang mit dem grossen Hundts vnd des
Löwens hertz sternen / seiner Iouis ynd Martis natur etc.
Schliesz derhalben / vnd verkündige / das ein heisser vnyd
dürrer Sommer erfolgen werde.

Im anfang aber noch etwas küller vnyd feuchter mis-
chedlichen nebeln/ dann die Opposition ☽ ☽ (wie droben
auch schon gemeldet) gefelt mir nicht/ sitemal sie eben in
die wein vnd düncel blüt in vilen orten einfelt/ davon Card-
anus schreibt. Cura plenilunia astate, in florem incident cum
ortu occasuue potentissimorum syderū, magna calamitas in pro-
uentibus expectanda est &c. Ich hoffe aber doch / andern
vmbstenden nach/ es sol gnedig abgehn / vñ bey einem trus-
eken / wüctligem Himmel bleiben / oder ja das böse wetter
nicht lang weren. Dann auff Viti / oder ja bald hernach/
felt temperirt gut wetter ein. Den 18. 19. Junij/ geschwilig/
zum wetter geneigt / den 20. Donner vnd windig / den 22.
warm feucht. Der gegenschein Martis Mercurii vmb los-
hannis Baptista, wirdt etwas unjet/ vnd sehr windig sein/
jähin

ja bin vnd wlder wolcken/regen vn Kisseln mit sich bringen/
wie dann auch auff das New/ vnd den 27. 28. wetter zu
fördern.

Der 1. 2. 3. 4. Iulij/ ja bis anff den Volmon/vnsetet/ets
liche böses wetter/starcke windt/ nebel/ donner/ plitz/ mit
Kisseln oder hagel/deß es fellt dise zeit über/ ein gegenschein
h. Item der Sonnen vnd Martis / vnd ein & 2 & ein/ wel-
che Aspect dann ihre bedeutung vnd wirkung haben/ den
luft zu endern/ nach gelegenheit des orts/ vnd wil auch
von nöten sein/das wir fleißig beten.Den 12. 13. Iulij win-
dig/ plitz/donner. Auff den 17. vnsetet/ windig mit donner
vnd platzregen/wie auch vmb den 19. 20. da die Opposition
Martis Veneris im Steinbock vnd Krebs erfolget. Den 21.
windig/ am Sontag Marie Magdalene ganz warm/
geschwülig/mit darauff erfolgenden wettern den 24. Das
New leicht auff Jacobi/ist ganz warm/ ja heiz vn trucken/
mit etlichen darauff erfolgenden wettern.

Im Angstrom/ fallen sehr viel Aspect ein/ die auch
noch ein warme zeyt (doch der tagleng nach zu vrtheilen)
bisweilen mit nebeln vnd erschröcklichen wettern (Gott
wölle es gnediglich hindern) anzeigen. Als das erst viertel
den 1. Augusti/ist ganz warm zum regen geneigt/auff den
4. zu fru/kül/nebel/bald warm. Habe achtung auff den 5.
da die Coniunction Iouis Solis sich begibt/ ohn zweiffel win-
dig vnd Donner/ ja erschröcklich wetter. Gleich darauff
den 7. felt der Δ h. für/bedent nebel vnd külen luft zu fru/
aber bald vmb vnd nach Mittag geschwülig vnd warm.
Mercke auff den Volmon/da Mars directus wird/ vnd bald
den 12. 13. 14. der Trinus Saturni Iouis folget/die ohn zweiffel
auch ein müßlich/geschwülig warm wetter/ aber nicht ohn
plitz/einschlagens vnd fewrs noth/ in Sutia vngewittet
anzeigen. Bedencke ferner/die zusamensfügung Iouis/Ve-
neris/Mercurii/ vmb das letzte viertel/ Sonderlich aber
den 17. 20. 21. 23. Da es vngestüme windt zu Erdbeben
geneigt/

geneigt / der ja sonst plitz / Hagel vnd wetter geben solte /
doch zu frâe mit rauhem lufft vñ nebel vermischt / vmb des
Δ h̄ willen. Das also (dieweil Saturnus vnd Jupiter
in Trigono igneo, in feurigen Zeichen) die Hundst>tag mit
sonderlicher hitz vnd trucknem wetter sich erzeigen / vnnd
derhalben auch mit darauff erfolgenden vil Donners vnd
plitz einschlagen &c. den leuten bang machen werden / son-
derlich gegen mittag. Und solte wol die Coniunction ȝ ♀ mit
vñ bey des Löwens hertz Stern primæ magnitudinis,
vñ Martis Louis natrū einen Cometen mit sich bringen / oder
ja sonst Meteora, Chasmata oder feurige Zeichen / die man
am Himmel sehen wirdt.

Der Herbstmondt ist auch (inn gemein zu reden) des
meysten theils trucken / den 2. 4. Septembris / hat man
Donner vnd platzregen / ja hagel zu gewersten / Dieweil ein
Δ ♂ fürfelt / den 5. windig feucht / ja starker windt mit
trübem / kuelen vnd schedlichem wetter / vmb des Δ h̄ wil-
len / der darauff erfolget. Den 7. 8. Aufs wenigst zu frâ
kuel / nüblich. Mercke ferner / auff den 10. 12. 13. da sich ein
Δ ♂ vnd Δ h̄ begibt / bedeut auch vnstet windig feucht
wetter. Und so vil vom Sommer.

Jerem : 5.

Last vns den Herren unsern Gott fürchten / der vns
frâregen vnd spatregen zu rechter zeit gibt / vnd vns die
Ernde trewlich vnd serlich behütet.

Aber ewer Missethat hindern solche / vnd ewre Sün-
den wenden solch gut von euch.

III.

Vom Herbst.

Der Herbst fahet an / den 13. Septembris / eben mit der
Sonnen außgang vmb 6. vhr / da Saturnus im 25.
grad Sagittarij im 4. haufi Mars in Trino Ascendentis
C im fünfa

am fünften / der Mondt am 9. 4. im 12. 7. Schreib also
die Regierung Marti zu / als der inn seiner Erhöhung in
Trino Solis, vnd Veneris / die nicht weit vom Aufgang.
Achte derwegen / es werde auch der Herbst sich temperirt/
windig vnd trucken erzeigen. Anfanglich aber mit rauhem
vnstetem wetter / regen vnd Kiffeln / wie mir dann beyde ge-
wierte schein $\text{h} \pm$ vmb den 12. vnd den 17. 18. 21. der $\square \text{h} \pm$ vns
geschlachtes wetters halben gantz verdecktig. Der Barm-
herzig Gott / wölle den lieben Wein gnediglich behüten,
ferner nach dem Liewen / hat man temperirt / feucht / lüss-
tig / gut wetter zu gewarten / besihe den Calender.

Den 1. 2. Octobris vnset / windig / feucht / bald tempe-
rirt / Das nüblich kalt wetter oder reissen / geht nach dem
Volmon oder Finsternus an / da der $\star \text{h} \circ$ den 10. erschei-
net / mit regen vnd windt / auf Burckhardi, vnd folgenden
13. 15. 16. da ein Quadratus Martis \pm einfelt / Also nüblich/
feucht / ja reissen / oder starcke rauhe windt zu schne genaigt.
Auf das New den tag Ursula vnd ferner den 22. 23. 24. 30.
da der $\square \text{h} \pm$. sein wirkung haben wirdt.

Der anfang Novembris bis auf den Volmon / ist nüb-
lich vnd kalt / darauff den 7. vnset / windig mit regen vnd
schne vermischt / bald wider kalt. Mercke auf den Quadra-
tum Martis Solis vnd $\square \text{h} \pm$. Item $\star \text{h} \circ$ vmb Martini den 11.
12. 13. 14. Was sie für vngleich / nüblich / windig / vnd schne
wetter / mit sich bringen werden. Ferner meines erachtens /
beständig kalt vnd trucken / das wir vns gar eines kalten
Winters besorgen / dawon zu seiner zeyt / wils Gott / vber ein-
Jahr weiter.

D. Peucerus. Agunt Coelestes causæ necessariò, sed
tantisperdonec adiuuat, et vim confert prima causa, qua non
agente, aut contrarium intende, cessant,

Das

Das II. Capitel.
Von der Finsternissen / vnd bösen Aspecten
der Planeten/auch derselben bedeutung.

De Finsternis der Sonnen den 13. Novembris im vergangenen 74 Jar/bey des Scorpij hertzstern/ im ersten grad des Schützens/ vnter der herrschaft Martis erschienen/volbringt aller erst ihre Würckung oder bedeutung/ nach Ptolemei vnd anderer Astrologen lehr/ in diesem 75 vnd folgenden 77 Jaren/vnd bedeut wie es Ptolemaeus erklert/ grosse Krieg/ Feindschafft/ Auffthur/ gesencknuß/ verherung der Lender vnd Stedt/ grosse Raubrey/ Morden/ Brünsten. Item heftige/hitzige/geschwinden Franckheyten. Im lußt/ grosse hitze vnd dürre/ Pestilentz. Item enderung der alten Gesetz/ Ordnung vnd Statuten. Darzu nach Procli Lychn anslegung/ Abgang des Niehs/ Misgeburt/ vnd eines frembden Tyrannen einsal ic. Verstehe sonderlich/in den orten vnd lenden/ welche diese Finsternis besser vnd volkomenlicher/ dann wir in Teutschland/ gesehen/ als/die wol gegen der Sonnen Nidergang/ in Gallia vnd Hispania ic. wonen. Also fällt auch mit ein/ die bedeutung des gegenscheins der Obersten Planeten \pm Anno 73. vnd 74. erschinnen/der das heimlich Meuterey vnd grosse verenderung inn der Religion vnd Policey/ mit sich bringt. Und des Wundersterns (dergleichen man nicht gesehen/ weil die Welt gestanden) welcher wiewol Gott dem allmechtigen seine bedeutung allein bewußt/ doch ohn zweifel/ weil er so lang am Himmel gestanden/ auff viel Jar weiset/ vnd grosse/ ja wol die letzte enderung des geistlichen vnd weltlichen Regiments bringen sollte.

Hierauff erfolget nun/ neben der Coniunction \pm im Wertzen/vnd etlichen andern bösen Aspecten der Planeten/ den 7. Octobris die Finsternis des Mondts im 25. grad

C 11 des

des Widers/ mitten im hohen Dimesel / bey dem Drachen-
haupt/ auß 10. puncten 52. minuten / Nach etlicher anderer
Astrologen rechnung / aber auß 9. puncten 20 minuten/etli-
cher als Cypriani/ 9 pun : 48. min : Der anfang diser Fin-
sterniß/ geschicht albie zu Dnoltzbach/nach Stoffleri, Mun-
steri, vnd Apiani &c. rechnung/vmb 9. vhr 34. min : nach mit-
tag/oder 4. stund 18 minuten nach der Sonnen untergang.
Nach Cypriani rechnung vmb 9. vhr 53. min : Nach Sta-
dij vnd Middochij aber vmb 9. vhr 4. minuten. Das mittel
vmb 11. vhr 8. min : Das endt ein stundt nach mitternacht.
Weret von anfang biß zu endt 3. stund 8. min : nach Stoff-
leri nemlich vnd anderer meinung. Nach Cypriani vnd Cas-
relli rechnung / 3. stund 12. min : Nach Stadij aber 3. stund
52. minuten. Dieweil dañ nundisce Finsternus des Mondts
3. stundt 52. min : weret / wirdt sich ihre bedeutung auß 3.
Monat vnd 20. tag erstrecken. Nach dem aber der Mondt
97. grad vom Aufgang gewichen / so geht allererst ihre
würckung an/ im Früling des folgenden 77. Jar/vmb
Georgi, vnd erzeigt sich am krestigsten zu endt des Maien/
von Urbani biß Ailliani / vnnd hat ein endt / vmb Laurenti
oder Assumptionis Marie,

Warauff aber die bedeutung diser Finsterniß gehe/das
lehret Ptolemeus deutlich / Defectus in Medio Cœli (sagt er)
Templis, Regibus et media æratæ significant, vnd zwar in æqui-
noctiali signo, sacerorum et religionum mutationes. Das ist/
die Finsternissen so im hohen Dimesel ic. geschehen / gehn
auß das Geistlich Regiment vnd betreffen die hohen hem-
pter/ König / Fürsten / Potentaten. Item die Menschen so
vmb vnd über 30. Jar.

Mars ist eben auch Gubrnator/Herr oder Regent diser
Finsterniß/wie der vorgehenden Sonnen Finsterniß/dar-
umb dieses (was ich über das 75. Jar geschrieben) auch
hieher gehöret / Allein/wie die bedeutung der Sonnen Fins-
terniß färnemlich über andere Lender gegen der Sonnen
Wider

Nidergang gelegen / geht / Also betrifft diese des Mondts
Finsternis neben denselben / auch das gantz Deutschland /
sonderlich die Lander vnd Stedt den zeichen / Wider vnd
Wag vnterworffen / als Polen / Schlesien / Osterreich ic.
Item dem S vnd P / als Preussen / Sachsen / die March /
Poland / Seelandt / Dessen / Thüringen ic.

Nun werden vber diese Finsternis / noch zwei des
Mondts im früling vnd Herbst des 77. Jars / eben auch
im zeichen der Wag vnd Wider / inn solcher grösse vnd ver-
dunkelung erfolgen / der gleichen wir nicht in vilen hundert
Jaren werden gesehen haben / Welche je dem Deutschlande
etwas besonders bedenten / vnd grosse verenderung mit sich
bringen werden. Danon dann dißmals weitlauffiger zu
schreiben / dieweil die bedeutung inn das 77. Jar gefelt /
nicht von nöten.

Wiewol aber / die aller gewisse ursach vnd anzeigenng
aller Straffen vnd unglück/s / unsere vielfeltige Teuffelische
Sünde sein / so soll man dennoch andere zeichen vnd be-
deutungen / auf des Himmels lauff von Finsternissen vnd
grossen zusamensetzungen der Planeten ic. genomen / nicht
verwerffen / sitemal jede erfahrung gnugsam erweiset / das
kein Finsternis ic. vergebens sey.

Es sindt vil zeichen (schreibt Lutherus vber das 4. Cas-
pitel des Propheten Hosea) aus welchen kluge / gelerte
leut / vil zukünftige ding ersehen vnd ortheilen können / daß
auch die Wunderzeichen / so hin vnd her geschehen / nichts
guts bedenten / vñ gereichen alle hendel gemach dahin / das
ein gewisse verwirrung vñ verenderung aller Stände / zu letzt
darauf volgen muß. Aber doch das gewisseste zeichen der
vorhandenen straffen oder trübsalen / ist das wilde / schänd-
liche / vnd ruchlose leben der Welt / vnd hiemit stiftien aller
Propheten Weissagung vberein / Dass wer sihet nicht / was
der Prophet Hoseas an seinem Volk straffet / ic.

G iii Horet

Höret ihr Kinder Israel des HErren wort / denn der Herr hat vrsach zu schelten / die im Lande wonen / Dann es ist kein trew / kein lieb / kein erkentnuß Gottes im landt. Sondern Gotsletern / liegen / Morden / Stelen / Ehebrechen / hat überhandt genommen / vnd kompt ein blutschuld nach der andern. Darumb wird das Landt semmerlich stehn / vnd allen einwonern obel gehn / Dann es werden auch die thier auff dem felde / vnd die Vögel unter dem Himmel / vnd die Fische im Meer / weggerafft werden.

Dieweil wir dann zu unsern zeiten dergleichen / ja mehr vnd gröber laster für augen sehen / wer wolte zweiffeln / dass das vns Gott gleicher weise werde heimsuchen / Der halben gehört diese predigt zur buß / auf das / Gottsförchtige leut / beyde sich vnd ihr gesinde / inn der forcht Gottes lernen regiren / Denn wie wol ein vnuermiedliche straff vorhanzen ist / so wirdt dennoch vnser HErr Gott die / so frumb vnd heilig leben / vnd sich mit den gemeinen Sünden nicht beflecken / wol zu schützen vnd erhalten wissen / wie Danzel und seine gesellen.

Das III. Capittel. Von der Fruchbarkeit dieses Jars.

Wiewol in diesem Jar / etliche bedenkliche Mittel / vrsachen des Weiters halben / fürfallen / die dem feld vnd garten gewechs / Getraid vnd Wein / hinderlich sein / vnd schaden thun möchten / als die langsame Kelt vnd starke reissen / ja auch schädliche dürre im fräling vñ Sommer /

mer/oder ja viel hagel vnd vngewitter/wie die bösen Aspect
droben an seinem ort/vnd auch im Calender verzeichnet/
anzweisen/ So halte ich doch/andern vmbstenden nach/es
sollen diese Aspect so gar bey vns nicht schedlich sein/ son-
dern(entweder im früling) durch kelt die früchte dahinden
behalten / oder iha fein trucken dabey sein/ das die reyffen
desto weniger schaden könnten/das wird man nun bey zeyt
sehen können. Und schliesse also / das in unsern Landen/
sonderlich weil sonst von Georgii bis auff Medardi(da vn-
ter des fast alles bluet) kein böser Aspect einfelt/ein leidens-
lich / fruchtbar Jar (Gott gebe nur / das wir der frucht in
friedt vnd gesundtheyt / mögen geniessen) erfolgen werde.

Die Fütterung/ vnd was sonst unsrer lieber Herr Gott
nach seiner unermesslichen Barmhertzigkeit dises Jar/
reichlicher bescheren vnd geben wirdt (Ihm sey lob vnd
danck) mag man wol vnd sauber auff heben/ vnd last vns
ja nichts vnnützlicher weis verschwenden / vnd mit geitz
versündigen.

Ich besorge / wie vns Gott in vergangnen Jar mit
vbriger schedlicher Kelt vnd feuchtigkeit gestrafft / Also
werde er vns auch mit durrer zeyt / mit Brandtkorn / mit
Raupen / Dewschrecken / vnd anderm vnziffer / auch mit
Krieg vnd verwüstungen / straffen (Lise das 4. Capittel,
des Propheten Amos .

Ja werden wir Gottes gnad vnd gütte myßbrauchen/
vnd auf die theurung nicht buß thun / vns bessern / vnd uns-
serm Gott begegnen/ so wird er fortfahren mit Plagen / vnd
es noch siben mal mehr machen / vns zu straffen vmb uns-
erer Sünde willen / das er unsren stoltz vnd Dalkstarrig-
keit breche/ wie er Levit : 26. tröwt.

Ezechielis 14. Was ein Landt an mir sündiget(spricht
der Herr.) vnd darzu mich verschmecht / so wil ich meine
Handt über dasselbige aussstrecken / vnd den vorrath des
brods

brotts wegnett ... vnd viel therwung hinein schicken/das
ich beyde/Menschen vnd Vieh/drinnen austrotte.

Das also die gewiste vrsach der Unfruchtbarkeyt/
Dungers/Theurung (wie auch anderer straffen) vnsere
Sündeseien/die grosse Sicherheyt/Undanckbarkeit/Gots-
lestern/Fluchen/der Geitz/das Fressen/Saußen/Pancke-
tirn ic. Gott wölle vns vnsere vielfeltige Sünde zu erkenn-
en geben/ vnd die gnade zur besserung / vmb Jesu Christi
willen/verleihen. Amen.

Aetorum. 14.

Befehret euch zu dem Lebendigen Gott / welcher ge-
macht hat Himmel vnd Erden / vnd das Meer / vnd alles
was drinnen ist / der sich selbs nicht hat vnbeweugt gelas-
sen/hat vns viel gutes gethan / vnd vom Himmel regen vnd
fruchtbare zeitung gegeben / vnsere Herzen erfüllt mit
speiß vnd freuden ic.

Das IIII. Capittel.
Von Kranckheyten.

Mie der Soßier vnd Herbst dieses 75. Jars / Franck-
heyten vnd Sterbens halben sich erzeigen werden/
wird man bald erfaren / Dann die zusammenfügung
der Planeten im ☽. bedeut ja (nach der Astrologen lehr)
neben andern zufallen / auch viel krankheiten / Lungen-
sucht/ Halsgeschwer/Breune/Blutshur/Seitenstechen/
schnelle hitzige Fiber / darzu Hauptwehe ic. Darauff geht
im Herbst

im Herbst an die wicklung der verschleierten Sonnen Finsternus im 74. Jar/vñ in Reuolutione des Herbsts felt h vnd auch fast der Mondt in das haus der Franckhey / vñnd ist Venus bey dem Drachenschwantz im fünffien ic. Welches dem gemeinen Man / vñnd alten leuten / viel Franckheyten trorwt / den Weibern aber Misgeburt.

Sonst in gemein zu reden/ Saturnus im → /bedeut allerley Krauskheyten vñnd gebrechen / oder ja schmertzen der schenkel / das Ziperlein. Item Wiltz Franckheyten / Kiren vnd blasen Stain / viertägliche Fiber / Geelsucht / Grünen / Schwindtsucht / Lemie / das Fraislein / Schlag ic. Dis bestetigt noch mehr die Revolution des Winters / da h / die O/♀ vñd ♀ Retrogradi, abermals ist das o. haus der Franckhey fallen / als die nicht allein Alten leuten vnd dem gemeinen Man / sondern abermals / sonderlich den Weibs personen vnd jungen Gesinde / vnd auch denen / so der Sonnen vnd Ioui zugethan / sorglich / vnd wol zubedencken.

Die Gelerten wollen sich der regel Ptolemæi erinnern / da er schreibt in 2. lib: Quadrip: de euentibus Eclipseon: Periculum in primis et inevitabile malum, si ipsæ Eclipticorum locorum partes aut his oppositæ, coinciderent cum gradibus alterius lumintum, quos genitura tempore possederunt. Derhalben die in iren Latiniseten (wie man's pflegt zu nennen) die Sonne oder Mondt im endt des Scorpij oder Stiers / oder ja im anfang des → oder II haben / sich sonderlich dieser Finster- nus halben / je mehr sie in ihrer wirkung steigt / das ist / das gantz 75 Jar / bis ins mittel des 77. fürzusehen haben / vnd desto messiger sich halten / oder ja bey zeyt rath suchen / vnd Gott (als in welches henden unsrer Stundt vnd zeyt / glück vnd unglück / gesundt vnd Franckhey / leben vnd todt / steht) anrufen / das er ire zufell zum besten wende.

Hoffe aber / wie schon oft droben angezeigt / diese Sonnen Finsternus sol fürnemlich andere Völcker vnd Lender betreffen.

D

him

Im + ennd p fürsich vnd hindern sich lauffend /
bedeut ein Pestilentz vnter vihe vnd menschen. Sonst (dies
weil diß Jar fürnemlich zur truckenheit geneigt) werden
nach der Ichr Hippocratis regiern / morbi tabifici, Ophthal-
miae, Articulorum dolores, vrinae et Intestinorum difficultates,
Squinantiae, Morbilli, Sanguinis corruptio, Sputi & menstruo-
rum retentiones &c.

Darauff folgt nun im Herbst widerumb ein Finsters-
nus des Mondts / in einem hitzigen zeichen / bedeut in ges-
mein (wie Proclus Lycius da von schreibt) einen Vihe ster-
ben / sonderlich des groben vihes / als Pferd / Kuh / Och-
sen &c. vnd hitzige Fiber / Breune / Dalgeschwer / Haupt-
wehe von grosser Hitze / entzündung der Glider / Rothlauff
ec. Da von über ein Jar / wils Gott / weiter.

Gefehrliche / schwermütige tag / vnd die den Brancken-
lenten heftiger den sonst zu setzen / sindt in gemein zu reden /
alle die / so mit den zeichen der unglücklichen also verzeich-
net. In sonderheit aber der 2. 4. 5. 10. 19. 23. 30. Decem-
bris / des 75. Jars. Im Jenner der 6. 13. 26. 28. 39. Der
ansang des Hornungs. Der gantz Mertz / sonderlich der
12. 19. 20. 21. 22. 28. Im Junio der 10. 11. 12. 18. 25. 26.
27. Vnd weiter der 1. 2. 4. 8. 9. Julij. Der 4. 6. 12. 13. 17.
20. 25. Augysti / vnd fast der gantz Herbstmonat.

Deuter : 28
Wenn du nicht gehorchen wirst / der stim des Her-
ren deines Gottes / so wirdt dir der Herr die Sterbdrüß
anhängen / bis er dich vertilge.

Der Herr wirdt dich schlagen mit geschwulst / Fiber /
Hitze / Brunst / Dürre / giftiger läfft / vnd Geelsucht / vnd
wirdt dich versorgen / bis er dich vmb bringe ic.

Wirdt


Wirdt also auch dis Jar / ein gefehrlich schwer Jar
ein / von wegen der mancherley krankheiten / so nicht als
ein auf natürlichen vrsachen kommen / als finsternis / vnd
Coniunctionen, Aspecten oder zusamenscheinen / Saturni Mar-
is, Sondern auch auf Geistlichen / vmb der großen vnzeli-
hen Sünde der Menschen willen / die gar überhandt ne-
nen / das sie auch nicht mehr für Sünde geacht werden/
sonder schier für tugendt.


Wolan vnser Herr Gott helfe vns (Lutheri wort)
nicht allein darumb / das des Dimels lauff vnd das Ge-
fürn / Sampt vielen grausamen erschrecklichen zeichen
nichts gute s anzeigen sondern auch vmb des teuffels list/
ruck vnd Practick willen / der jetzt anff allen seiten ohn un-
terlaß / die Kirche auffs bestiget vnd gewolchst ansicht/
end zu ihr einstürmet. Gott erbarmie sich vnser / vnd sey vns
gnedig / Amen.


psal: 79.


O HErr schütte deinen grim auff die Heyden / die
dich nicht kennen / vnd auff die Königreich / die deinen
Namen nicht anrufen. Gedanke nicht vnser vorigen
missethat / Erbarm dich vnser bald / denn wir sind fast
dumm worden.


Gedruckt zu Nürnberg /
Durch Valentin
Fuhrman.











Prognosticon Astrologicum, Oder
Practica Teutsch/ Von den
vier zeiten vñ andern zufellen des / nach
Christi vnsers HERRN vnd Seligmachers gebü
M. D. LXXVI. Iars / Nach erschaffung der Welt/ 55
Auch waren gründe der Astronomie mit fleiß vnd äuff das kürzeste
beschrieben, vnd gestellt zu Gnädigem gefallen vnd
Glückseliger Regierung.

Dem Durchleuchtigen Hochgeborenen Fürsten vñ Herrn/ Herrn Georgen Friderichen Marggraffen zu Brandenburg/ zu Sterin/ Pomern/ der Lassabien vnd Wenden. Auch in Sachsen zu Jegerndorff/ vnd etc. Herzogen/ Burggraffen zu Nürnberg/ vnd Fürsten zu Rügen: Meinem Gnädigen Fürsten vnd Herrn.

Durch M. Georgium Cæsium Rotenburgensem.



Mars Regent bis Iars.

